



Cyfarfod 28

18 Tachwedd 2021, 09:30am

Cyfarfod dros Zoom

COFNODION

Yn bresennol:

Y Cynghorydd Ellen ap Gwynn (EaG)	Cadeirydd, Cyngor Sir Ceredigion
Eifion Evans (EE)	Cyngor Sir Ceredigion
Alun Williams (AW)	Cyngor Sir Ceredigion
Hazel Lloyd-Lubran (HLL)	CAVO
Iwan Cray (IC)	Gwasanaeth Tân ac Achub Canolbarth a Gorllewin Cymru
Gwilym Dyfri Jones (GDJ)	Prifysgol Cymru y Drindod Dewi Sant
Anna Bird (AB)	Bwrdd Iechyd Prifysgol Hywel Dda
Y Cynghorydd Elwyn Williams (EW)	Gwasanaeth Tân ac Achub Canolbarth a Gorllewin Cymru
Thomas Vetter (TV)	Cyfoeth Naturiol Cymru
Rhodri Llwyd Morgan (RLM)	Prifysgol Aberystwyth
Y Prif Arolygydd Christina Fraser (CF)	Heddlu Dyfed-Powys

Hefyd yn bresennol:

Rob Starr (RS)	Cyngor Sir Ceredigion
Mari Hopkins (MH)	Cyngor Sir Ceredigion
Caitlin Theodorou (CT)	Cyngor Sir Ceredigion
James Gibb (JG)	Yr Adran Gwaith a Phensiynau
Y Cynghorydd Rowland Rees-Evans (RRE)	Cyngor Sir Ceredigion
Dewi Day (DD)	Prifysgol Aberystwyth
Elen James (EJ)	Cyngor Sir Ceredigion
Carwyn Young (CY)	Cyngor Sir Ceredigion
Helen Griffith (HG)	Coleg Ceredigion / Sir Gâr
Amy Richmond-Jones (ARJ)	Gwasanaeth Tân ac Achub Canolbarth a Gorllewin Cymru
Carys Huntly (CH)	Cyngor Sir Ceredigion
Yvette Eley (YE)	Cyfoeth Naturiol Cymru

Tîm Cymorth y Bwrdd Gwasanaethau Lleol:

Diana Davies (DD)	Rheolwr Corfforaethol - Partneriaethau a Pherfformiad (CSC)
Nia Wyn Jones (NWJ)	Swyddog Partneriaethau (CSC)
Manon Horscroft (MH)	Swyddog Cymorth (CSC)

Cathryn Morgan (CM)
Lynne Walters (LW)

Rheolwr Partneriaethau (Dros Dro) (CSC)
Swyddog Partneriaethau (CSC)

28.1 Ymddiheuriadau, cyflwyniadau a datganiadau o fuddiant

Dechreuodd y Cadeirydd y cyfarfod drwy groesawu pawb. Nid oedd unrhyw ddatganiadau o fuddiant.

Ymddiheuriadau:

Barry Rees, Cyngor Sir Ceredigion

Russell Hughes-Pickering, Cyngor Sir Ceredigion

Steve Moore, Bwrdd Iechyd Prifysgol Hywel Dda

Maria Battle, Bwrdd Iechyd Prifysgol Hywel Dda

Ros Jervis, Iechyd Cyhoeddus Cymru

Gillian Wells, Cyfoeth Naturiol Cymru

Vanessa Cashmore, Coleg Ceredigion/Coleg Sir Gâr

Yr Uwch-arolygydd Robyn Mason, Heddlu Dyfed-Powys

Pat Smith, Yr Adran Gwaith a Phensiynau

Carys Morgan, Swyddfa Comisiynydd yr Heddlu a Throsedd

Duncan Hamer, Llywodraeth Cymru

28.2 Cofnodion cyfarfod blaenorol Bwrdd Gwasanaethau Cyhoeddus Ceredigion – 17.09.21

Cytunwyd bod cofnodion y cyfarfod a gynhaliwyd ar 17.09.21 yn gywir.

28.3 Materion yn codi o'r cyfarfod blaenorol

Rhoddodd CM ddiweddariad i'r aelodau ynghylch y **Cynllun newydd i Adleoli Pobl o Affganistan**. Nodwyd dau eiddo a oedd yn addas. Mae un eiddo yn barod ar hyn o bryd ar gyfer teulu, ond tynnwyd y llall yn ôl oherwydd bod oedi o ran pryd fydd y teulu'n cyrraedd. Cafodd teulu addas ei baru â'r eiddo, ond roeddent wedi gwrthod adleoli i ardal wledig. Parwyd teulu arall â'r eiddo ond nid oeddent yn gallu cyrraedd tan fis Ionawr ac wedi hynny tynnodd y landlord yn ôl o'r cynllun. Mae problemau tebyg yn codi ar draws Cymru. Codwyd pryderon â'r Swyddfa Gartref ynghylch y ffaith nad ydy'r cynllun yn rhedeg mor llyfn â'r disgwyl.

O ran yr adroddiad cynnydd ynghylch y **Strategaeth Mynd i'r Afael â Chaledi**, nododd yr aelodau bryderon ynghylch y gostyngiad o £20 yr wythnos a fu yn y Credyd Cynhwysol. Mae Llywodraeth Cymru wedi cyhoeddi y bydd pobl sydd ar incwm is yn derbyn 'taliad tanwydd gaeaf' ychwanegol o £100. Croesawir hyn ond mae'n creu gwaith ychwanegol

ac ni chafodd Tîm Budd-daliadau CSC lawer o rybudd i baratoi cyn y cyhoeddiad cyhoeddus.

28.4 Asesiad o Lesiant Lleol

Cyflwynodd RS brif ganfyddiadau'r Asesiad drafft. Rhannwyd yr adroddiad a'r atodiadau cyn y cyfarfod. Mae hon yn garreg filltir bwysig yn y broses; y cam nesaf yw'r ymgynghoriad cyhoeddus cyn i'r Asesiad terfynol gael ei gyflwyno i'r Bwrdd Gwasanaethau Cyhoeddus i'w gymeradwyo ym mis Mawrth 2022. Diolchodd RS i aelodau'r Bwrdd a'r fîm am eu mewnbwn a'u cefnogaeth i'r gwaith hyd yn hyn.

Nododd RRE fod datblygiadau cynllunio ar stop yng Ngheredigion oherwydd bod lefelau uchel o ffosffadau yn y sir. Gofynnodd a oedd hyn yn cael ei amlygu digon yn yr Asesiad a gofynnodd am ddiweddariad oddi wrth Cyfoeth Naturiol Cymru ynghylch y mater hwn. Cytunodd TV y dylai hyn gael ei gynnwys fel blaenoriaeth bwysig iawn ac y byddai Cyfoeth Naturiol Cymru'n ymateb i'r pwynt hwn fel rhan o'u hadborth ynghylch yr Asesiad drafft.

Roedd IC wedi'i synnu gan ymateb unigolion ynghylch 'Teimlo'n Ddiogel' a gofynnodd am ragor o fanylder ynghylch sut y caiff 'teimlo'n ddiogel' ei ddiffinio. Ceir rhagor o fanylder yn y dystiolaeth a gasglwyd i gefnogi'r Asesiad ond mae'n debygol y bydd angen mynd i'r afael â'r mater hwn wrth i ni fynd trwy'r broses o ddatblygu'r Cynllun Llesiant.

Nododd HLL fod y sleid sy'n dangos effaith y newid yn y boblogaeth yn drawiadol iawn ac awgrymodd, os bwriedir defnyddio'r sleidiau ar gyfer cyflwyniadau yn y dyfodol, y dylid addasu'r sleid hwn i gynnwys yr effaith ar Ofal Cymdeithasol yn ogystal â'r gwasanaethau lechyd.

Cododd AB bryderon ynghylch ymgysylltu â'r cyhoedd o ystyried cyd-destun a maint y dogfennau. Cadarnhaodd RS fod y fîm yn gweithio ar grynhoi'r cyflwyniad i nodi'r prif ganfyddiadau a'r gobaiith yw y gellir defnyddio technoleg addas i gyflwyno'r wybodaeth mewn modd rhyngweithiol sy'n hawdd ei ddefnyddio.

Nododd CF fod llawer o'r data'n clymu â data Heddlu Dyfed-Powys ynghylch y tueddiadau o ran troseddau a'r galw ar yr heddlu. Cytunodd â sylwadau IC ynghylch 'Teimlo'n Ddiogel' gan ei fod yn hysbys mai Ceredigion yw un o siroedd mwyaf diogel Dyfed-Powys. Mae'r Heddlu'n wynebu problemau recriwtio ac mae swyddogion o Gaerfyrddin a Hwlfordd yn llenwi'r bylchau yn nhimoedd Ceredigion ar hyn o bryd, mae hyn yn cyd-fynd â'r data ynghylch demograffeg y boblogaeth.

Diolchodd y Cadeirydd a'r Aelodau i RS a'r fîm am eu gwaith caled. Gofynnwyd i Aelodau'r Bwrdd Gwasanaeth Cyhoeddus hyrwyddo'r ymgynghoriad ynghylch yr Asesiad drafft o fewn eu rhwydweithiau ynghyd â darparu adborth o'u sefydliadau eu hunain. Mae'r rhan hon o'r broses yn hollbwysig er mwyn sicrhau bod y Cynllun Llesiant yn effeithiol ac yn addas i'w ddiben.

CAM GWEITHREDU: Yr Aelodau i hyrwyddo'r ymgynghoriad a'r Aseiad drafft o fewn eu rhwydweithiau er mwyn cael adborth.

28.5 Diweddariad ar Brosiectau Peilot y Bwrdd sy'n seiliedig ar Le

Erbyn hyn mae'r Bwrdd wedi symud o'r 6 ffrwd waith i 3 phrosiect peilot er mwyn bwrw ymlaen â'r Cynllun Llesiant presennol.

i. Aberystwyth Carbon Niwtral a'r Strategaeth Datgarboneiddio

DD o Brifysgol Aberystwyth sy'n arwain y prosiect hwn. Y partneriaid allweddol yw Prifysgol Aberystwyth, Bwrdd Iechyd Prifysgol Hywel Dda a Chyngor Sir Ceredigion a darperir cymorth cynghori gan Wasanaethau Ynni Llywodraeth Cymru a'r Uned Cyflenwi Rhwydweithiau Gwres. Mae'r Llyfrgell Genedlaethol yn gweithio ar ei chynlluniau carbon niwtral ei hun a bydd yn rhannu gwybodaeth a dealltwriaeth i gynorthwyo'r prosiect peilot hwn.

Cyfarfu'r grŵp ar 15/11/21. Y bwriad yw cael adeilad ar gyfer cadw system cynhyrchu gwres carbon isel a fydd yn cael ei gludo drwy bibellau i amrywiaeth o adeiladau sy'n rhan o'r cynllun. Cwblhawyd astudiaeth ddichonoldeb gychwynnol 5 mlynedd yn ôl (er mwyn gwireddu'r ymrwymiad o fod yn Garbon Sero erbyn 2030) ond oherwydd diffyg arian ni pharhawyd â'r gwaith ar y pryd. Efallai bod cyllid ar gael oddi wrth Lywodraeth Cymru, ond mae llawer mwy yn gwneud cais am yr arian nag sy'n ei gael, ac mae'r amserlen yn dynn.

Cytunodd y grŵp fod manteision dros gydweithio ar y prosiect a nodwyd yr angen am astudiaeth ddichonoldeb newydd, a'r amcangyfrif o'r gost yw £70,000. Os na ellir canfod cyllid, gofynnir am ymrwymiad ariannol oddi wrth bob un o'r 3 phartner. Cytunodd bob partner i geisio cael cefnogaeth yr uwch reolwyr er mwyn gallu bwrw ymlaen â chael astudiaeth ddichonoldeb newydd yn ystod y gwanwyn nesaf.

ii. Atebion Iechyd Cymunedol ac Atebion Cymdeithasol ar gyfer Mynd i'r Afael â Thlodi a Hyrwyddo Llesiant yn Aberteifi

HLL sy'n arwain y prosiect hwn. Adroddodd y cynhaliwyd y cyfarfod cyntaf ar 03/11/21 ac roedd y presenoldeb a'r cyfranogiad yn wych. Mae'n amlwg bod ystod o heriau'n wynebu'r gymuned ac mae nifer sylweddol o grwpiau a sefydliadau'n gweithio yn Aberteifi i gynnig cyfoeth o weithgareddau yn y dref. Cytunodd y grŵp fod grymuso'r gymuned o'r tu mewn yn hanfodol a bydd camau cychwynnol y cynllun gweithredu'n cynnwys:

- **Mapio'r** asedau a'r adnoddau
- **Ymchwilio** a chasglu strategaethau ac adroddiadau ymgynghori presennol er mwyn nodi unrhyw gamau gweithredu neu argymhellion sydd dal angen eu cyflawni

- **Buddsoddi** drwy ddwyn ynghyd unrhyw gyllid sydd ar gael ar gyfer mynd i'r afael â chaledi
- **Targedu'r** ddarpariaeth drwy sefydlu rhaglen allgymorth i'w gwneud hi'n haws i ddinasyddion Aberteifi gael mynediad at gymorth a chyngor
- **Creu cysylltiadau** drwy weithio gyda'r rhanddeiliaid allweddol i hyrwyddo a chynyddu'r cyfleoedd sydd ar gael i bobl gymryd rhan ynddynt er mwyn gwella eu canlyniadau eu hunain ac eraill, a
- **Monitro'r** data sydd ar gael ar gyfer Aberteifi.

Hefyd, cytunodd y grŵp y byddai pob cyfeiriadaeth yn y dyfodol at nodau ac amcanion y prosiect peilot hwn yn pwysleisio "mynd i'r afael â chaledi a hyrwyddo llesiant". Bydd y grŵp yn cyfarfod eto ym mis Rhagfyr i drafod y data, mapio'r asedau a'r adnoddau a phenderfynu ar y dull cyflenwi gorau ar gyfer y prosiect peilot.

iii. Dull amlasiantaethol o ymdrin â Llesiant yn Llanbedr Pont Steffan

EJ o Gyngor Sir Ceredigion sy'n arwain y prosiect hwn. Nid yw'r grŵp wedi cwrdd eto, ond cynhaliwyd trafodaethau mewnol. Y bwriad yw canolbwyntio ar gydweithio er mwyn hyrwyddo llesiant yn Llanbedr Pont Steffan a'r ardaloedd cyfagos. Mae nifer o grwpiau a sefydliadau yn cynnig gweithgareddau a chydabyddir bod y ddemograffeg yn newid a bod angen mapio a meithrin mwy o ddealltwriaeth o'r hyn sydd yn cael ei gynnis er mwyn sicrhau y bodlonir anghenion ieched a llesiant trigolion yr ardal.

Mae'r model Gydol Oes a Llesiant wedi nodi strategaeth ar gyfer model cyflenwi gwasanaethau integredig a bydd y prosiect hwn yn cynorthwyo i gyflawni'r strategaeth honno.

Rhoddodd CY ddiweddariad am gynnydd y gwaith i drawsnewid Canolfan Hamdden Llanbedr Pont Steffan i mewn i Ganolfan Llesiant gyntaf y Cyngor. Cyflwynwyd y cynlluniau llawr newydd; mae'r rhain bellach yn barod, a bydd y gwaith yn mynd allan i dendr maes o law.

28.6 Adolygiad Cymru Gyfan o Ymosodiadau ar Weithwyr y Gwasanaethau Brys

Cyflwynodd y Prif Arolygydd CF adroddiad a gomisiynwyd gan y Prif Gwnstabl Pam Kelly, a fu'n Swyddog gyda Heddlu Dyfed-Powys. Mae'r Grŵp Gwasanaethau Brys ar y Cyd yn cynnwys y pedwar Llu yng Nghymru, Heddlu Trafnidiaeth Prydain, y Gwasanaeth Ambiwlans yng Nghymru a'r tri Gwasanaeth Tân ac Achub yng Nghymru. Rhannwyd yr adroddiad cyn y cyfarfod ac mae'n nodi nifer, math a lleoliad yr ymosodiadau (taro, cicio, pinsio, poeri a cham-drin geiriol) ar weithwyr y gwasanaethau brys rhwng 1 Ionawr 2021 a diwedd mis Mehefin 2021.

Nododd AW fod staff CSC yn wynebu problemau tebyg, yn bennaf ymhlith y staff gofal cymdeithasol, y ffin gorfodi COVID a'r ffin ieched anifeiliaid. Erbyn hyn mae'r swyddogion

yn gwisgo camerâu - mae hyn ambell waith yn tawelu'r sefyllfa ond mae hefyd yn gallu darparu tystiolaeth os oes angen.

Gofynnwyd i'r aelodau gydnabod yr adroddiad ac ystyried a all y Bwrdd Gwasanaethau Cyhoeddus ddefnyddio'r adroddiad i ddylanwadu'n gadarnhaol ar yr agenda i leihau ymosodiadau ar ein gweithwyr yn y gwasanaethau brys yng Nghymru.

28.7 Adborth oddi wrth Bwyllgor Cydlynu Trosolwg a Chraffu Cyngor Sir Ceredigion – 15 Medi 2021

Diolchodd RRE i DD a LW a gyflwynodd gofnodion cyfarfod y Bwrdd Gwasanaethau Cyhoeddus a gynhaliwyd ym mis Gorffennaf 2021. Cymeradwywyd cofnodion cyfarfod blaenorol y Bwrdd. Cododd aelodau'r Pwyllgor Craffu'r mater ynghylch ffosffadau ac roedd RRE yn croesawu'r cyfle i godi hyn eto heddiw.

28.8 Cynlluniau Gweithredu Seilwaith Gwyrdd

Gweithiodd Tîm Polisi Cynllunio Ceredigion â'r Tîm Cymunedau Gwledig i baratoi cais am gyllid i Fenter Trawsnewid Trefi Llywodraeth Cymru. Cynorthwyodd y fîm Polisi Cynllunio i baratoi achos busnes ar gyfer y Cynlluniau Gweithredu Seilwaith Gwyrdd ar gyfer y chwe thref yng Ngheredigion.

Yn ystod y 18 mis diwethaf, adeiladwyd y capasiti drwy waith ymgysylltu a chasglu gwybodaeth, ond nid ydy hyn wedi arwain at ddarparu prosiectau i drawsnewid ein trefi. Mae dal gwaith i'w wneud i gyrraedd y cam olaf o adeiladu capasiti er mwyn gallu cefnogi darparu prosiectau a bwrw ymlaen â'r prosiectau er mwyn gwella neu gyfoethogi ein hasedau Seilwaith Gwyrdd yn y tymor byr, canolig a hir.

Dyma elfennau hanfodol y Cynlluniau Gweithredu Seilwaith Gwyrdd a byddant yn cyfrannu at amcanion is-grŵp Newid Hinsawdd y Bwrdd Gwasanaethau Cyhoeddus. Cadarnhawyd y gellir defnyddio'r adroddiad 'Re-Connecting Nature' gan R4C ar gyfer y wybodaeth waelodlin a bydd ar gael fel rhan o fanyleb y tendr i'r ymgynghorwyr ar gyfer cwblhau'r Cynlluniau Gweithredu Seilwaith Gwyrdd.

Mae Llywodraeth Cymru wedi cymeradwyo'r prosiect Cynllun Gweithredu Seilwaith Gwyrdd o dan y Fenter Trawsnewid Trefi ac mae'r Swyddog Datblygu Trefi Gwledig ar hyn o bryd yn hwyluso fframwaith caffael ar gyfer y prosiectau Trawsnewid Trefi a ariennir drwy refeniw er mwyn iddynt fynd allan i dendr.

PENDERFYNIAD: Cytunodd y Cadeirydd a'r Bwrdd Gwasanaethau Cyhoeddus i gefnogi'r gwaith hwn yn y dyfodol.

28.9 Unrhyw Fater Arall

Rhoddodd AB ddiweddariad i'r aelodau ynghylch y rhaglenni brechu rhag COVID-19 a'r Ffliw. O ran y brechiadau COVID, mae'r Cyd-bwyllgor ar Imiwneiddio a Brechu (JCVI) wedi diweddaru eu canllawiau i gynnwys brechlyn atgyfnerthu i bawb dros 40 oed ac mae ail ddos ar gael i bobl 16-17 oed. Mae gan y Bwrdd Iechyd 7 canolfan frechu ar agor o hyd yn ogystal â mynediad at uned frechu symudol pan fo angen. Mae Meddygon Teulu'n rhoi brechiadau atgyfnerthu i gleifion sy'n gaeth i'w cartrefi, gyda chymorth y fîm brechu. Mae'r rhaglen brechu rhag y ffliw yn mynd rhagddi, mae meddygfeydd a fferyllfeydd cymunedol yn cynnig brechiadau i bawb dros 50 a'r rhai o dan 50 oed sydd mewn perygl. Eleni, mae'r rhaglen mewn ysgolion yn cynnwys plant ysgol uwchradd am y tro cyntaf.

Nododd AW y cytunwyd i ddod â'r elfen COVID o'r grwpiau Fforwm Cydnerthedd Lleol i ben ar draws Cymru, gan fod grwpiau amlasiantaethol eraill yn gallu ymateb i COVID.

Nid oedd unrhyw fater arall. Daeth y Cadeirydd â'r cyfarfod i ben drwy ddiolch i bawb am ddod ac am eu cyfraniadau i'r trafodaethau.

28.10	<u>Dyddiad y cyfarfod nesaf:</u> 7 Mawrth 2022, 13.30-15.30
--------------	--